

外科
諸症彙編

3-4卷

(外科匠案)

陽湖趙能靜先生閱

陽羨余景和聽鴻甫編輯
會稽孫思恭順齋甫校刊

外部

○流痰

宜與張

高年營血不足寒痰滯絡右臂漫腫無頭皮色不變此屬流痰和營化痰法

歸身

羌活

橘紅

瓜蒌

土貝

白芥子

薑夏

獨活

鉤藤

桑枝

覆方

流痰根盤漸收痰亦稍減肋痛依然乃高年血竭不能營養經絡所致再擬和血

消痰順氣之法

歸身

半夏

川斛

枸杞

旋覆花

鉤藤

橘紅

新絳

青蔥

天花粉

平望翁

氣阻流痰由肝肺兩絡受傷以致胸肋刺痛不時氣逆治宜理肺和肝佐以化

痰冀其鬆機以免潰毒之慮

春柴胡

青皮

旋覆花

枳殼

桑葉

半夏麴

烏藥

廣木香

蘇梗

通草

鮮佛手

無錫時

勤勞不節兼受六淫之氣血脈凝滯成為流痰脈花滿背臂癢瘡皆屬逆款勿

輕視之

附子 兔絲 石斛 廣皮 紅花 丹參 杜仲 木瓜

覆方 病情前述。今不贅語。今脈形皆見虛象。轉旋維艱矣。再擬生脈散意。以圖吉。天相

北沙參 川石斛 橘白 稽豆皮 穀芽 五味子 麥冬

甯波韓 陰虛內熱而患虛損流痰。脊椎六七節骨形突出。已現瘡勞之象。收功難許。

人參 白芍 北沙參 黃耆 鱉甲 料豆 川石斛 浮小麥

濮院朱 手腕流痰。

黨參 丹參 川貝 川斛 棗仁 茯神 橘紅 黃耆 浮淮陳小麥

楊州王 腰痛已久。按之有塊。防成虛損流痰。

虎骨 杜仲 當歸 黨參 兔絲子 續斷 製首烏 懷牛膝 枸杞子 胡桃肉

青浦龐 病後營虛客邪乘入。肩背漫腫作痛。此屬流痰。一經潰破。非計月可愈也。

雲茯苓 金釵石斛 洋參 黑料豆 木瓜 鱉甲 橘紅 沉香 大豆黃卷

松江任 勞傷筋骨。痠痛不已。延久必損。流痰頑證。

鹿角霜 木瓜 續斷 廣橘紅 杜仲 原紅花 茯苓

許關范 寒熱傷營。脈來弦滑。誠恐流痰復起。有根之病。一時難效。

茅朮 廣皮 萆薢 茯神木 秦艽 葛根 苦參 絲瓜絡

乍浦王 重感時邪。致發貼骨流痰。但年小症重。恐難勝任。法當溫通氣血為主。

枸杞子 廣木香 廣皮 蘇梗 丹參 半夏 麴 鉤藤
金華周 流痰腫堅且硬日漸長大皮色不變起有兩月有餘此係本原不足風火挾痰
互結而成治之最難消散

驚甲 夏枯草 昆布 茅茹 青蒿 萊菔子 海浮石 象貝

七保梅 三陰虛弱氣機有阻以致左腿漫腫形如覆碗成為虛損流痰延綿半載肌肉
消瘦節骨突出已入瘡瘍之候姑擬毓陰聊作保持之計

北沙參 驚甲 黃耆 黨參 女貞子 牡蠣 炙橘葉 沙蒺藜

陽春孫 內股流痰

柴胡 青皮 土貝 粉甘草 半夏 麴 廣皮 連翹 忍冬藤

黃浦宣 流痰

鹿角霜 廣皮 土貝 連翹 青皮 當歸 生牡蠣

湘潭王 先斷脊梁後發流痰勢必潰腐乃素係本原虧怯痰凝氣滯而成診得脈來細

數胃氣呆鈍漸入瘡瘍之例矣難治之證莫斯為甚

黨參 茯神 焦神 麴 驚甲 川貝母 白朮 料豆 川石斛 扁豆 大豆黃卷

吳江唐 流痰由肝鬱所致木腫堅硬遲延失治且多反覆一經潰破非計月所可愈也

黃耆 廣皮 川石斛 杜仲 黨參 川貝 甘草 川續斷 煨牡蠣

柳橋陳 勞傷氣血致患流痰正虛邪實以消為難

黨參 黃耆 杜穀芽 川石斛 棗仁 茯神 宣木瓜 青藿香

覆方 脈數身微熱胃氣困憊急須扶正冀其潰後胃氣甦復再無變證方有回生之路

黃耆 黨參 料豆 五味子 炙鱉甲 棗仁 白芍 川石斛

蘭溪朱 寒熱胸悶飲食漸減左肩漫腫作痛防生流痰

半夏 枳殼 木瓜 石斛 鉤藤 沉香 茯神 絲瓜絡 川貝

震澤范 流痰已成破之難愈

建 蘇子 沉香 枳實 砂仁 柴胡 橘皮 烏藥 川石斛

宛平郝 氣血有虧濕痰滯絡左腿漫腫作痛皮色不變此為流痰宜補元滲濕佐以消

痰

黨參 炙黃耆 陳皮 半夏 木瓜 丹參 青木香 土貝 川石斛

覆方 痛緩腫減頗有消兆

黃耆 黨參 赤苓 冬朮 陳皮 土貝 青木香 川石斛

青浦顧 流痰發於腰下此屬氣阻法宜通導

老蘇梗 查炭 陳皮 鉤藤 沉香 瓜蒌皮 橘葉 青皮 大麥芽

杭州金 先已脊斷繼發流痰內膿郁郁聽其自破係先後天不足所發刻論證參脈見

象極虛縱乞靈藥石誠恐無補

北沙參 川石斛 廣皮 鰲甲 川貝母 淮山藥 白芍 木香 扁豆

東山席 環跳漫腫隱痛遷延已久此三陰虛濁痰凝滯釀成虛損流痰不可使潰潰則難痊

洋參 石斛 地骨皮 秦艽 川貝母 料豆 棗仁 蔻殼

金澤凌 虛損流痰破經旬日膿流脈數鬱熱蒸蒸盜汗淋漓胃陽困頓亢陽無制又值酷暑之令久病之軀支持不易且擬和胃涵陰以博轉機

人參 川石斛 黃耆皮 橘白 穀芽 料豆 五味子 小麥 大豆黃卷

覆方 胃氣稍甦盜汗略減身熱得涼其屬佳兆惟脈來仍數膿色原清肢節痠痺伸縮不如未免津液消耗當仍陰陽並顧再候轉機為妙

人參 黃耆 製首烏 鰲甲 銀柴胡 棗仁 甘草 川石斛 稽豆皮

上虞郭 流痰潰久脂水淋漓津液日耗診得左脈關弦而細兩尺無神甚屬虛象姑擬補元徐圖收效

製首烏 川貝 北沙參 珍珠粉 料豆 女貞子 茯神 丹參

黃柏坂子 骨蒸鼻熱而患流痰已屬虛損之候一經潰破便難調治

北沙參 川斛 鰲甲 青蒿梗 銀柴胡 橘白 川貝 稽豆皮

朱家角范 流痰潰破在通宜補托兼施

熟地 黨參 川續斷 白芍 歸身 棗仁 黃耆 左牡蠣

興化沈 背部漫腫色白頭發不一症屬流痰脈來細軟盜汗不止正虛邪實急須補托潰後如無變遷徐圖收功

鹿角尖 棗仁 川斛 黨參 枸杞 五味子 橘白 大麥芽 炙黃耆

青浦方 流痰繞臂漫腫潰頭不一形脈皆虛縱好調治還須靜養收效之期以待來年

黃耆 米仁 赤苓 穀芽 車前子 橘白 白朮 川斛

湖州凌 三陰虛熱腹痛背脊漸高恐發流痰以平托治之令其消散

生白芍 穀芽 查核 料豆 生薑甲 川石斛 麥芽 藿梗 青蒿梗

青浦柳 素喜膏粱厚味熱聚於中濕困於脾痺阻經絡始起左肩臂痛繼則下引腿足

痠楚且難屈伸昨因刺鍼後痛勢稍緩頃診脈象右手細軟左手弦細兼數似屬氣血兩虧痛久必成流痰擬養血和絡佐以清熱之法

枳椇仁 茯神 木瓜 青木香 桑椹子 丹參 廣皮 煨葛根

陳墓嵇 稚年弱質左膝腫痛步履艱難有流痰之慮宗大筋軟短小筋弛長之法為治

北沙參 秦艽 丹參 菟絲子 廣皮 懷牛膝 鈎藤 杜仲 左牡蠣 茯神木

太倉朱 流痰發於背脊及環跳兩處勢在作膿法擬補托

黨參 棗仁 川斛 牡蠣 淮小麥 黃耆 白芍 鱉甲 料豆

青浦舒 短足流痰

宣木瓜 鉤藤 川石斛 白菟殼 蘇子 藿梗 橘白

覆方 煨木香 丹參 木瓜 半夏麴 穀芽 杜仲 川續斷

長安馬 流痰 脈弦瀉營陰虧損議以和營化痰

菟絲子 桑椹子 鉤藤 川石斛 生白芍

附洗藥方 全當歸 五茄皮 川芎 紅花

木瓜 艾絨 萆薢 獨活 桑枝 青木香

蘇州孟 寒熱久延膝眼腫痛膝為筋之府能屈而能伸係血虛不能榮養筋絡經脈空

虛寒濕著於肉裏防發流痰先擬疎解嗣商和益營衛

羚羊角 川石斛 新會皮 青蒿梗 茯神木 忍冬藤 大豆黃卷

青浦曹 期門穴漫腫作痛脈象滑乃肝膽蘊熱濁痰凝滯而成難以消散

天竺黃 川貝 鉤藤 絲瓜絡 陳皮 枳椇子 茯神

覆方 蘇子 天竺黃 茯苓 真橘葉 川貝 新會皮 川石斛 絲瓜絡 黨參

虎邱顧 三陰虧損虛熱不已脊梁漸曲如弓環跳形腫如椀皮色不變已成流痰虛證

但期無潰為吉潰則元氣愈虛便難收效矣

製首烏 鱉甲 鉤藤 桑椹子 川石斛 茯神 川貝 料豆皮

覆方 流痰高腫緣正虛邪實勢必潰破破後損怯堪虞議毓陰補托法

金石斛 黃耆 洋參 扁豆 川貝 五味子 茯神 棗仁 牡蠣

沈 年歲壯盛腕有氣痠噁意震動氣降乃平流痰未愈羣丸腫硬今入夜將寐少腹氣衝至心竟夕但寤不寐頭眩目花耳內風雷四肢麻痺肌腠如刺如蟲行此屬操持怒勞內傷乎肝致少陽上聚為痼厥陰下結為疝衝脈不靜脈中氣逆混淆氣燥熱化風陽交動營液日耗變亂種種總是肝風之害非攻消溫補能治惟以靜養勿加怒勞半年可望有成

阿膠 細生地 天冬 茯神 陳小麥 南棗肉

萬 診脈數左略大右腰牽綿足痿五更盜汗即醒有夢情慾則遺自病半年春椎六七節骨形突出自述書齋坐臥受濕若六淫致病新邪自解驗色脈推病是先天稟賦原怯未經充旺肝血腎精受戕致奇經八脈中乏運用之力乃筋骨間痛內應精血之損傷也

人參一錢 鹿茸二錢 炒杞子三錢 當歸一錢 舶茴香一錢 炒黑

紫衣胡桃肉兩枚 生雄羊肉腎兩枚

流痰者方書皆云流注流者流行注者住也人之氣血與天地合同周流不息循環無

端內經云天宿失度日月薄蝕地經失紀水道流溢經路不通五穀不殖民不往來巷聚居邑則別離處氣血猶然氣滯血壅則生癰腫以癰疽概而言也氣血注而為癰發無定處隨在可生八九四五二三塊不等無穴可以立名故曰流注先哲已有深意焉吾吳中皆曰流痰更有精義人之津液灌溉肌肉經絡筋骨之間如天地之水無微不至遇隙即入遇壅即歸一有壅滯阻而不行經脈濇而不通衛氣歸之不得復反肌肉脈絡骨節骨空等處一有空隙之處津液乘虛滲入如水之遇隙而入遇壅而歸也如海道迴薄之處蓄則凝結為痰氣漸阻血漸淤流痰成矣痰阻於皮裏膜外氣多肉少之處無血肉化膿有形可憑即成痰塊痰胞痰核痰癭等症痰凝於肌肉筋骨骨空之處無形可徵有血肉可以成膿即為流痰附骨陰痰等症況流痰一症脾虛濕痰凝滯最多或病後餘毒稽留肌肉之內或慾後寒氣襲於經絡之中或因氣阻或因血凝若正氣盛陽氣宣通隨阻隨散正氣虛經脈澀滯隨注隨壅屢發屢止或潰或愈雖云外證俱從內生為內科者不得不究心焉立方無一定章程何也天有寒暑地有燥濕人有虛實病有新久部位有上下之分經絡有藏府之別年有長幼強弱症有陰陽淺深今數百方中採擇妥善醅正之方四十九首用藥總總不同寒者溫之熱者清之虛者補之堅者軟之結者散之損者益之氣滯理之血瘀行之痰凝消之臨時施治隨證變通如作文之平淡奇濃諸法悉備潛心契默滿紙玲瓏開圓活靈動之法門化拘滯偏

執之津梁也質之高明勿以平淡而忽焉余聽鴻註

背部

○發背

東山王 心火妄動。疽發於背。所慮瘡不起發。形勢平塌。法當內外疎通。使毒氣分洩。庶不內陷。

黨參 茯苓 甘草 赤芍 地丁草 黃耆 杜仲 銀花 角鍼 連翹
同里朱 年逾六旬。背疽大逾徑尺。殊屬駭人耳目。幸脈數有力。腐亦易脫。確為順候。翹補得宜。指日可愈。

黃耆 茯苓 遠志炭 黨參 甘草 川斛 首烏 川貝母 穀芽 銀花
金澤衛 背部平塌。堅硬不化。是屬陰候。法擬助陽補托。以冀回陽續絕。

黨參 枸杞 遠志炭 石決明 黃耆 陳皮 甘草節 皂角針
常熟秦 發背如盆氣。分大虧。所以膿不甚多。脈來細軟。高年得此。決非輕候。

黨參 冬朮 黃耆 官桂 皂角針 熟地 茯苓 甘草 筍尖 淡從容

茜墩尤 耄年忽發背疽。但腫不紅。此血氣衰弱之徵。非速愈之症也。姑擬補托以進之。再察端倪。

黨參 茯苓 當歸 銀花 青蒿梗 黃耆 玉竹 甘草 角鍼 六一散

上海姜 背疽經旬。尚未化腐成膿。不甚炊腫。慮傳陰分。治宜開洩回陽。以冀腫高毒化。

為轉機

羌活 廣皮 厚樸 遠志炭 防風 青皮 藿香 扁豆葉

接服方 熟地 沉香 廣皮 白蔻殼 泡薑 艾絨 紅花 藿梗

橫淫嚴 勞力之體風餐露宿。歷中六淫之氣發疽於背。平塌不起。寒熱胸悶。此乃邪毒內閉。法擬祛邪化毒。可望旦夕取效。

青蒿梗 遠志肉 黃耆 廣皮 白蔻殼 六一散

紅花 甘草 銀花 皂角鉞 天花粉

木瀆翁 肝氣內鬱不舒。鬱火內熾。致發背疽。肉色紫暗不榮。堅硬漫腫。不痛無膿。破流血水。形如割鱗。兼發餘癰不一。此乃肝陽受傷甚矣。治之棘手。殊費調停。

澄香 青皮 遠志肉 石決明 廣皮 甘草 銀花 青藿梗 半夏麴

末藥方 硃砂 珠子 牛黃 川貝 萊豆粉

丹陽潘 胸悶不舒。脾不健運。乃生背疽。根脚散漫。外皮雖腐。內堅不潰。膿血腥穢。不榮納少口燥。此屬脾土困敗。脾主肌肉。乏生化之源。姑擬培養脾胃。以食進腫消為奉。北人參 茯苓 金石斛 苡米 穀芽 黃耆 甘草 川貝母 廣皮 筍尖

青浦易 年逾七旬。元氣已虧。背疽隱陷不起。殊為可慮。

製附片 黨參 茯神 角鉞 黃耆 鹿角霜 枸杞 廣皮 甘草節 遠志炭

平望呂 背疽伏隱神怯脈軟溺痛淋瀝乃陰虧陽微溫邪與敗精俱陷也法擬滋腎丸
意治之未許必竟中機

肉桂 熟地 琥珀 淡苳容 甘草梢 黃柏 黨參 茯神 升麻炭 革薺

○蜂窩發狀如蜂房聽註

八圻鄭 疽發於背上至肩脊下連腰脇腫若瓜形頭如蜂房者十餘處按脈洪大尚於
證合可為順兆擬托理消毒主之

細生地 甘草 銀花 角鍼 赤芍 生黃耆 連翹 丹皮 土貝 筍尖

崑山馮 背疽形如覆盆始以忽視遂致燎原莫遏脈來細軟無力膿腐難脫界限未分
蜂窩未透胃氣頗鈍此藏陰虧府陽易困矣勉擬助陽化毒納食胃甦為轉機

黨參 廣皮 紅花 枸杞 鹿角尖 黃耆 川貝 半夏 筍尖 遠志炭

覆方 界限未半蜂窩已現膿腐略脫按脈雖細有力似有鬆兆但胃氣未甦疽色深滯
乃毒邪深固驟難載之使出所謂舟在波中收帆未定也仍議溫托以望納穀有加方
是佳音

鹿角尖 生黃耆 炙黃耆 蘇子 茯神 潞黨參 棗仁 半夏 廣皮 砂仁

鮮穀子露代水煎藥

再覆方 腫收毒化腐脫新生飲食較前增納是為順候矣

人參 黃耆 茯神 銀花 半夏 甘草 蘇子 枳椇 砂仁 花粉

○蓮子發即太陰疽肺經積熱為多生肩脾內以其形而言也

嘉善何 搭手疽潰沖突高腫上至肩項下連腰脇腐脫成片膿流作孔形如蓮子潰雖

半背尚屬順候擬清化中寓以補法

黨參 甘草 穀芽 陳皮 花粉 黃耆 銀花 土貝 赤芍 白朮

○對心發生於背經對前心者是也

青浦褚 對心發背其勢極重所幸藜藿素居可卜慶生有兆

黨參 紅花 白蔻殼 陳皮 遠志 羌活 青皮 石決明 角鉞 藿梗

○搭手即偏發背

周莊戚 年逾六旬搭手疽不能高發頭雖腐而膿未成洩神識昏潰有內陷之兆姑擬

清理托毒以參消息

羌活 新會皮 藿梗 筍尖 石決明 甘草 遠志炭 青皮 菟殼

覆方 瘡形得起神識得清是乃佳兆惟皮色不變版滯不潤膿毒未見蒸化邪毒留戀

於內必須溫補化毒方有鬆機

黃耆 首烏 砂仁 遠志 鹿角片 甘草 杞子 茯神 白芍 新會皮

再覆方 新肌已露腐亦盡脫元氣已虧宜慎調理

黨參 黃耆 歸身 五味子 茯神 白芍 砂仁 製首烏

○腎俞發

即腰疽又名連腎發

方基袁 腎俞發由腎精虧損而成喜其紅活高腫猶為順候擬養榮湯主之

黃耆 茯苓 白芍 白朮 陳皮 北五味 遠志炭

○下背疽

即對臍發

青浦唐 下背疽平塌不起法宜溫化以望轉機

沉香 陳皮 黃耆 泡薑 蔻殼 枸杞 紅花 甘草 遠志炭

○丹毒發

此症多服丹藥膏梁春方所致

周莊錢 背疽半腐半斂根腳紅暈防發丹毒切勿輕視

黃耆 棗仁 陳皮 川石斛 砂仁 茯苓 甘草 荷梗 淮山藥

南翔張 搭手腐未盡脫毒尚未清誤投溫補以致寒熱昏憤幸起丹毒不致內陷擬清

解營分

忍冬花 赤苓 白芍 花粉 連翹 粉丹皮

犀角 山梔 紫花地丁 生地黃

○肩井發

即上搭手

楓涇池 肩井及外股兩處發疽頭雖腐而毒未決是以紅痛不減又見紅痢腹痛後重

胃減脈軟此皆暑濕之邪。內干脾胃。外留經絡所致。擬清暑和中。并兼托毒。

黃耆 赤苓 米仁 藿香 遠志炭 陳皮 甘草 六一散

背中屬督脈。兩傍屬足太陽脈。督脈從尻骨後。上行背脊中。直上巔頂。足太陽脈從目內眥。上額交顛。至耳上角。後行下項。循肩髃。內分二道。一道俠脊傍。開寸半。抵腰中。從腰下貫臀。入臍中。一道從肩膊下。俠脊傍。開三寸。下過髀樞。循髀外合臍中。至足小指外側而終。五藏六府之俞。皆在脊之兩傍。足太陽之部位。發背生於正者。易治。生於偏者。難治。正者督脈為十二經之統。脈自下而上。主一身之陽。屬陽證者。多氣血上衝。易起。易發。偏者屬足太陽脈。為六經之首領。北方寒水之位。自上而下。氣血下流。屬陰證者。多。易陷。易塌。又兼藏府之俞。皆在其間。背疽者。皆由內而外發。五藏根本。皆繫於背。唐太宗有免鞭背之刑。背上受傷。關係藏府。肺俞在第三椎。生於上者。則傷肺。心俞在第五椎。肝俞在第七椎。膽俞在第八椎。生於中者。則傷心於肝。脾俞在第九椎。腎俞在十二椎。生於下者。則傷脾於腎。汪省之曰。背疽令患者。兩手上下左右摸之。搭著者。以搭手治。摸不著者。正真發背。余以兩手摸之。滿背皆搭著。豈滿背俱是搭手。而無發背矣。發背者。背疽之總名也。搭手對心。對臍。腎俞。蓮子。蜂窩。椒眼者。背疽之別名也。臨證之時。先驗其偏正。上下左右部位。即知屬於何藏。再思其發於何因。或陰虛火盛。或醢酒厚味。或怒鬱房勞。或丹石熱毒。或風寒滯絡。再辨其證之陰陽虛實。紅活黯滯。高突。